

YMA Chu tanpui ngaite tanpuitu a ni

ESTD.1990



YMA

AW



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.5 30th Jan. 2011

CWB YMA SECTION TEN HRUAITU THAR AN NEI TA

Chanmari West January 30: 2011 CWBYMA OB meeting in a lo rel tawh angin ni 27/1/2011 (Ninga) zan khan section tinah kum 2011 chhunga OB turte thlanna thuang tak a neih a ni.

Inthlan hi Branch Office Bearer ten Section hrang hrang ah an neih pui a. Tarlan tawh angin Vice President in Neuva Sect. ah, Secretary in Chawngbawla Sect. ah, Asst. Secy in Vanapa Sect. ah Treasurer in Taitesena Sect. ah leh Fin Secy in Khuangchera Sect. ah te ithlan an kaihruai a ni. Section OB thlan tharte hian committee member tur mi 25 aia tam lo rawt tur a niin YMA chanchinbu Sub-agent 1 leh YMA Aw agent tur 1 theuh rawt nghal tur a ni , heng an mi rawtte hi ni 31/1/11 (Thawhtan) tlai dar 4 hma in Br secretary hnena thehluh tur a ni. Section OB te'n an rawt hi Branch in a approved hnuah appointment pek chauh tur an ni.

Kum 2011 chhunga Section OB tura thlan chhuahte chu hetiangin:

CHAWNGBAWLA SECTION

Leader	:	Pu K.Lalthakima
Asst.Leader	:	Pu Lalramliana
Secretary	:	Tv H.Lalrinmawia
Asst.Secretary	:	Pu R.Lalbiakhluna
Treasurer	:	Pu JK.Zosangliana
Fin.Secretary	:	Tv Lalhmunmawia Pachuau

KHUANGCHERA SECTION

Leader	:	Pu Lalrinliana
Asst.Leader	:	Pu H.Laltanpuia
Secretary	:	Pu HV Lalthavela
Asst.Secretary	:	Pu Lalchhanhima(Puia)
Treasurer	:	Pu Zonunsanga
Fin.Secretary	:	Pu Lalthlamuana

TAITESENA SECTION

Leader	:	Pu C.Lalmuankima
Asst.Leader	:	Pu Lalngaihawma
Secretary	:	Pu RK.Rozidinga
Asst.Secretary	:	Pu Lalbiakkima Sailo
Treasurer	:	Pu Lalsangzuala
Fin.Secretary	:	Ni Lalthlamuanpui

NEUVA SECTION

Leader	:	Pu Lalthanruma
Asst.Leader	:	Pu Lalliansangpuia
Secretary	:	Tv Zairemmawia
Asst.Secretary	:	Tv EVL Hruaitluanga
Treasurer	:	Ni Lalramengi
Fin.Secretary	:	Pu Vanlalhluta

VANAPA SECTION

Leader	:	Pu VL Thakima
Asst.Leader	:	Pu Zairemthanga
Secretary	:	Tv Hmingthansanga
Asst.Secretary	:	Tv R.Lalrinnghetra
Treasurer	:	Pu T.Sangkhuma
Fin.Secretary	:	Ni Lalrotluangi

VENG MIPUI TE HNENA NGENNA LEH HRIATTIRNA

Ni 12.2.2011 Red Ribbon Inter Village Football Tournament lo awm turah hian kan veng pawh chhuah ve ngei nise tih Chanmari West Local Council chuan a rel a, he tournament ah hian sum leh pai engemawzat mamawh a nih leh dawn avangin vengchhungah Donation Local Council member te leh Sporting Club ten an rawn khawn dawn a, vengchhung mipuite veng tan a ni tih hria a tlawnngaih chhuaha remchan ang ang lo pe theuh turin kan in ngen tak meu h meuh a ni e.

Sd/-
Chairman
Local Council.



Nimin khan Oil renchem hpta hmanah kan Branch YMA atangin member engemawzatin Marathon Race neih a ni a, a tlante chungah lawmthu sawi a ni. Marathon race a kan Branch YMA kan tlan avangin lawmman atan ` 5000/-dawn a ni.



Kan vengin VIP a kan neih James Lalchhuanthanga (Pu James-a) te chhungku chuan Ni 20.1.2011 khan Kawnpui Hmarvengah min pem san a, Branch YMA chuan kan ui tak zet a, kan thlahna atan an pem hruaina ` 2000/-hlan tum a ni.



Hun awmdan a zirin Ni 3.2.2011(Ninga) zan khian Branch Executive Committee vawi khatna neih tum a ni



Section tin O.B atana thlanchhuahte hian Committee member mi 25 aia tam lo, YMA Aw Agent tur mi 1 leh YMA Chanchinbu Sub-Agent tur mi 1 ruat tur a ni a, heng mi ruatte hi Naktuk Ni 31.1.2011 (Thawhtan) tlai dar 4 hma in list fel tak Branch Secretary hnenah thehluh vek tur a ni e.



Pi S.Khawlungi, Kum 47 te chhungku Member 5 te chu Bawngkawn Chhim Veng atangin Pu Lalthlamuana, T-Section te In ah an rawn pem lut a ni.



Pu R.K.Rozidinga Secretary , T-Section chu Central YMA Documentation & IT Sub-Committee member a tan ruat nawn leh a ni.



TUN KAR CHANGVAWN
Mihring rin ai chuan LALPA-a rinna nghah hi a tha zawk a ni.
Miliante rin ai chuan LALPA-a rinna nghah hi a tha zawk a ni.

Sam 118 : 8,9.

Editorial Board

Editor	: Lalramliana (Tetea) (9862405274)
Joint Editor	: R. K. Rozidinga (9436142304) P. C. Lalmalsawma (9436365770)
News Editor	: Zoramthanga Ralte Zothankima (Ate-a) (9856450643)
Cir. Manager	: Johny Lalthanpuia (9612359161) Jacob Lalrinsanga (9612319779)
Production Manager	: K. Darthantluanga (9436196071)

Branch Office Bearer

President	: T. Ngurkhuma	9436190843
Vice President	: Lalthuamluia	9612216649
Secretary	: R.L. Thanhnuna	9436152760
Asst.Secretary	: K.Darthantluanga	9436196071
Treasurer	: C.Lalzarliana	9436142049
Fin.Secretary	: R.Lalhmachhuana	9436151817
Advisers	:	
	Pu Vanlalhuma VCP,	Pu Vanlalsawma
	Pu H. V. L. Zarzoenga,	Pu Lalbiakthanga Khiangte

Editorial:

2010 Ed Bd te kan hun a tawp tak tak dawn ta e. Karleh lam atang chuan Ed Bd tharin min chhawk dawn ta e. YMA AW kan enkawl chhunga in mit kan tlun lohna leh in pawi kan sawi zawng zawng kha khawngaihin min ngaidam mai teh u. Kan theiawp kan rawn chhuah ve a ni a, khawtlang rawngbawl thei a kan awm kha kan lawm takzet a ni.

Branch leh Sectionah hruaitu thar hmel kan hmu zel e. Mi inpe, mahni chhungku leh hna pawimawh pawh kalsan ngam tur heti zat kan vengin kan nei hi a thlamuanthlak ngawt mai. Memberte hian kan zui ngam ang em? Lal Isua khawvela a lo kal chhan chu sawi nawn ngai lo in kan hre theuh awm e, 'midangte tana nun hlan' a ni. Midangte tan kan nun pum hlan theilo mah ila, kan theihna chinah khawtlang tan kan inpek a va tul em. Hei leh chen hi khawtlang hian sul min sut sak tawh a, tawmim mai lovin, tih theih ka nei ve a ni tih hrereng ang u. A biktakin YMA member te phei chuan rilru thar kan put a ngai takzet a ni. Kum hluiah khan engangin nge hun kan hman, midangte tana malsawmna ni turin engangin nge ka thawh ve, khawtlang tan enge theihna ka sen ve tih ngaihtuah leh inchhut chung zelin kumin chu i in buatsah teh ang.

KEIMAHNI

Amah Mahriata kan thla ati muang thin e. 'Marathon Race' thulh thak pawh pawi ti lovin min menpui. Kan lawmthu kan sawi seng lo.

Karleh Ni 4 zan hian Ed. Board hlui leh thar zawng zawnge Editor thar in ah thingpui ruai ropui tak in ho tur a ni a, tlawmngaia min tawiawm thintu te zawng zawng he huna lo tel tur hian kan sawm tak zet a ni

Article:

THALAITE SUK THLEK

- *Malsawmliana
Vaivakawn*

Tunlai tawngkam lar tak pakhat chu 'ram leh hnam vei tak i hmuh chuan lehkathiam hna neilo a ni tih hria ang che' tih hi a ni. Hei hi a dikna chen pawh a awm ang. Tun dinhmunah ngat hi chuan ram leh hnam veina rilru hian Mizote thinlungah hmun a chang lian hle a, kan issue lian ber pawh a ni chho ta reng a. Hei hi hmasawnna kawng khat a ni a, 'ram leh hnam humhalh kum' kan puan rahchhuah pawh a ni. A bikin, ram pawn a awm te zingah he hnam veina rilru hi a lian leh zual.

Tunlai Mizo hla chhuak thar zingah pawh ram leh hnam veina hla hi a serh zinga mei ang mai a ni tawh a, a hrallah a tla ngiang mai. Ram roreltu ten ram an kaihruai danah pawh kan duh fir sawt hle a, kan thik thu pawh a chhe hma tawh a. Thalai lehkha thiamte hian chik takin kan ram rorelna hi an thlir a, khalh ngil tumin an bei ngat ngat tawh a nih hi. Hemi anih avang hian zirlai pawl hruaitu te pawh politics ah an zuang lut NASA ngiang reng a, amaherawh chu hei hian rah tha nge rah tha lo a thlen ang tih hriat a chakawm hle. Politics atang chauhlo pawhin ram siam that tumin tlawmngai pawl atang te in hma an han la chho ve leh bawk a. Tunah hian thalai lehkha thiam, hna nei leh neilo pawh tlawmngai pawl a inhmang hi an thahnem viau awm e. Amaherawhchu, kan rama tlawmngai pawlte hian eng nge kan tih tur leh dinchhan hi kan hre reng tur a ni. Thian pakhat chuan 'kan ram NGO te chu an zai vak vak ringawt a, mi ram NGO te chu an zai hman lo reng reng' a tih ang deuhvin kan tihtur chin kan hriat a tul hle mai. Eng pawhnise, tunlai thalaite zingah ram leh hnam veina rilru inchiah mek hi kan tihnu zel a, kan chawm alh zel a tul hle. Hei hi kan ram hmasawnna bulpui pakhat a ni.

An tia lawm, tunlai nula ho chuan an thil chak zawng an sawiah chuan 'pasal nei lova fa neih hi' a ni an ti thin. Fa hmel tha tak tak neih a, tunlai thawmhaw nalh leh tha ber ber hmang a han chei vel hi an chak thin a ni awm e. Mahse pasal neih chu an duh si lo ni awm tak a ni. Hei hi dik tak maw. A lo dik tak tak a nih chuan nuthlawi nih an chak tihna a ni ang. Hote pakhat chu, tunlaiah chuan nula pangngai aiin nu, fa 2/1 vel neite hi an nalh tawh zawk a, inchei pawh an peih zawk, a bikin office hna thawkho zingah an ti. Han chhut tak tak chuan mipa aiin hmeichhia te zingah hnamdang pasal a nei an tam zawk niin a lang. Hemi a lang ta chu, mipa te aiin hmeichhe te zingah hian hnamdang nupui pasala neih hi hrehlohma leh pawi tihlohma a lian zawk tih hi.

HRIATZAUNA (LEILUNG)

Khawvel chuan 66, 700 mph/ 107, 320 km per hour-in kan Ni a hel a, Ni 365, darkar 5, minutes 48 leh second 46-ah wawikhat a helchhuak thei a ni.

- ¤ A rih lam- (5,940,000,000,000,000 metric tons)
- ¤ A kum zat- 4.6 billion years
- ¤ Mihring awm zat- 6,446,131,714
- ¤ A zau lam- (510,066,000 4.6 billion years sq km)
- ¤ Khawmual zau lam- (148,647 km)
- ¤ Tuifinriat zau lam- (335,258,000 sq km)
- ¤ Tui awmna hmun zawng zawng zau lam belkhawm- (361,419,000 sq km) 70.9%
- ¤ Tui al- 97%
- ¤ Tui tha- 3%
- ¤ Khawvel chhim leh hmar inkar lai tak atanga a zau lam- (40,066 km)
- ¤ Leilung zaulam tehna ngul len lam- (39,992 km)
- ¤ Leilung lai tak atanga a tlang zau lam- (12,753 km)
- ¤ Leilung lai tan hawlthlangtu ngul atanga zau lam- (6,376 km)
- ¤ Leilung lai tak/ a bial lai tak atanga a tlang hawlthu zau lam- (6,376 km)
- ¤ Leilung bial lai tak atanga a tlang hawlthu ngul zau lam- (6,355 km)

KHUANGCHERA

Bungraw In sak kalmekah Ni 22 leh 26.1.11 khan hruaitu hnatlang an nei a, mi engemawzat an thawkchhuak a ni. Bungraw In ah hian bungrua an thiar lut nghal bawk. Br. Secretary leh Asst. Secretary ten nileng in hnatlang an tawiawm a an lawm hle. Bungraw In sak mekah heng mite hnen atang hian tanpuina an dawng :Pu K.Thangvunga te chhung-` 500/-, Pu R.K.Daniela te chhung -` 1000/- leh Pu T.Bualzika'n thing min zai sak bakah Pu Pu Lalrinchhana'n(Itana) lirthei a tul anga piangah min hman tir a vangin an chungah lawmthu an sawi takzet.

Branch YMA in Bungraw In sak nan ` 3000/- an pe chu lawmawm an tiin lawmthu an sawi takzet.

Pu Lalzirliana T-Section te chhungin Central Road kawngpui an tihzauh nana an ram an pe chu lawmthu an sawiin entawn tlak an ti hle.

Pi Biaknguri w/o Pu Zothansanga Guwahati damdawiin ah hlawhtling taka zai a ni chu damtaka a lo haw leh thuai an duhsak hle.

Ni 27.1.11 zan khan kum 2011 chhunga Section OB tur Pu Lalthuamluia Br.Fin.Secretary ho in an thlang a, hmun hmantirtu LM P/S Headmaster leh Staff techungah leh inthlan puipa te Pu Lalmalsawma (Sena) leh Pu Lalnunthara Sailo te chungah lawmthu an sawi.

TAITESENA

Ni 27.1.11(Ninga) zan khan kum 2011 chhunga Section Office Bearer tur thlanna Pu C.Lalzarliana Branch Trasurer kaihruaina in neih a ni a, member 60 chuang lai mai an thawkchhuak a ni. Inthlan zawahh hian ei leh in tuihnai tak an buatsaib chu ei ho a ni bawk.

Inthlanna hmunhma hmantirtu Pu C.Sangkhuma te chhungkua , Cof-fee khawl hman tirtu Pu P.C.Lalremsiama leh Pu H.Lalremruata te chungah leh ei leh in min buatsaihsaktu zawng zawng te chungah T-Section YMA chuan lawmthu a sawi takzet a ni.

Ni 28.1.2011(Zirtawp) zan khan hruaitu hlui leh thar ten charge inhlanna Secretary te in ah an nei a, committee neih zui nghal niin, thu pawimawh tak tak an rel .

(T-Sect. report chhunzawmna)

Oil ren chem chungchanga Awareness 'Marathon Race' neih a section aiawh a tlan zawng zawng te chungah lawmthu an sawi.

Section OB committee hmasa ber chuan kum kalta 2010-a tlwmngaia mitthi buhfai khawntu, Bial vawngtute leh YMA AW semtute 2011 a mi tur ruat fel a nih hma chu mawphphurhna lo la chhunzawm hram turin an ngen.

VANAPA

Ni 27.1.11 zan khan kum 2011 chhunga Section OB tur thlanna Upa H.Lalrawna te inah neih a ni a, phaltaka in a hmantir avangin lawmthu an sawi. Tin, ei leh in buatsaihtute chungah lawmthu an sawi bawk.

Pu K.Lalhmachhuana'n Forest Guard hna a hmu thar chu an lawmpui hle.

Nikum lama hruaitu, bial vawnna bu la kawl ten vawiin Ni 30.1.11 ral hma in Tv.R.Lalrinnghta Asst. Secretary hnenah thehluh vek tur a ni.

NEUVA

An Leader Pu Lalthanruma Lunglei lama zin pawh damtakin a lo haw leh ta. Pu R.Lalnuntluanga Guwahati-a zin pawh damtaka a lo haw leh thuai an duhsak.

Ni 27.1.11 zan khan kum 2011 chhunga Section OB tur thlanna an nei a, member 80 chuang lai mai an thawkchhuak thei chu lawmthu an sawi a. ei leh in buaipuitu te chungah lawmthu an sawi bawk.

Vawiin chawhma inkawmban Dar 12 hian kum 2010 leh 2011 OB te charge inhlanna Tv.Zairemmawia, Secretary te in ah neih tur a ni.

Nimin Inrinni zing a Oil ren chem chungchanga Awareness 'Marathon Race' kawng kawipui atanga Kulikawn Lalngakhaliana Petrol Pump thleng neih a tlan zawng zawng te chungah lawmthu an sawi.

CHAWNGBAWLA

Tv James Lalchuanthanga te chhungin Kawnpui lama an pem san chu an ui khawp mai

Republic Day Paradeah New Horizon School Of Education in School contingent a 3 na an la thei chu an chhuangin an lawmpui hle..

Section OB inthlanna tluang taka an nei thei chu lawmawm an tiin

(CH-Sect. report chhunzawmna)

inthlanna kal member zawng zawngte chungah lawmthu an sawi, Inthlanpuitute chungah pawh lawmthu an sawi bawk e. Tin, inthlanna tana hmun phal taka hmantirtu Tv H. Lalrinmawia chungah lawmthu an sawi mawlh mawlh e.

An Leader kal chhuak ta Pu C. Sangpuia ram hla zin pawh dam takin a lo kir leh theia an lawm em em e.

Nikum thisen pek runpuia thisen petu heng a hnuai a mite hian in card in la lam lo a, Pu Lalramliana (YMA Aw Editor kalchhuak ta) hnenah lam theih a ni e. Card la lam lo te chu:

1. C. Lalsawmliani
2. Demo Lahmingthanga
3. V. Lalhmukima
4. Malsawmkima.

Kum 2011 chhunga Section OB te leh kum 2011 atana OB thlan tharte charge inhlanna ni 30/1/11 (Sunday) tlai dar 3 ah Pu C. Sangpuia te inah neih tur a ni.

ZCC NEWS

Kum 2011 chhunga member tur lak mek a ni a, culture lam a tui mite member a inpe theuh turin an in sawm.

Ni 28.1.11(Zirtawp) zan khan Pu Nundanga, Adviser te in ah committee an nei a, thu pawimawh tak tak an rel.

March 2011 ni 17 leh 18 a Mizoram Cultural Organisation-in hnamlam intihsiai a buatsaib turah tel ve ngei an tum a, club member te lo inring tur leh lo in la fit turin an in ngen. Ni 8.2.2011(Thawle) zan dar 7 atangin Middle School kawtah lam zir tan tur a ni.

MUP NEWS

Kum 2011 - 2012 a tana hruaitu tur atan heng mite hi thlanchhuah an ni :

- | | |
|----------------|------------------|
| President | : B.Savunga |
| Vice President | : Saithanchhunga |
| Secretary | : R.Thanga |
| Asst.Secretary | : K.Lalramzauva |
| Treasurer | : H.Lalhnuna |
| Fin.Secretary | : Lianvela |

BPL Tarchawmna hming list Pu B.Savunga hnenah en theih in a awm a, list a tel te chu karleh thawhtan (31.1.2011) hian Social Welfare Office ah lak theih a ni tih memberte an in briattir.

"I motor kawngkhar aia tam fa nei ngai suh ang che".

– Erma Bombeck



- RKD

AUSTRALIAN OPEN

Australian Open (Tennis) chu a hmawr bawk mek a ni. Women's Single finalah Kim Clijster, Belgium leh Li Na, China te'n nimin lam khan final khelin result erawh kan hre hman lo. Li Na hi Chinese zinga tournament lian tham (Major tournament) a final thleng hmasa ber a niin coach atan a pasal Jiang Shan a hmang.

Men's Single Final chu Andy Murray leh Novak Djokovic te chuan vawiin hian Melbourne Parkah an khel dawn. Andy Murray leh Novak Djokovic te hi France rama junior tournament, Les Petits As an tih ah kum 13 mi an nih laiin an lo intawng tawh a ni. Murray hian hnehna a lo chang tawh. Anni pahnih hi May 1987 a piang ve ve niin karkhat leka inthlau an ni. Djokovic hian Roger Federer hnehin final hi a lut a, Murray hian Nadal hnehtu David Ferrer hnehin final hi a lut bawk. Murray hnehlo tu Ferrer chuan 'Mahni inringtawk leh chak duh em emin ka khel a mahse kei aiin a tha zawk a ni' a ti.

India ram pawhin en ti nuamtur kan nei ve e, kan ram chhuanvawr Mahesh Bhupathi leh Leander Paes te chuan Men's Doubles Finalah Bob Bryan leh Mike Bryan te tangdun chu Rod Laver Arena-ah an khel ang. Bob Bryan leh Mike Bryan te tangdun hi khawvel a double partner hlawhtling berte zinga mi niin tunah hian defending champion lai an ni, vawi ruk final lut tawhin vawi li an champion tawh a, vawi nga champion an tum ruh hle. Chutih Iaiin, Bhupathi hian 'tun tournamentah chuan a tha ber kan ni' a ti ve pang pang a nia. Result kan hre hman si lova kan India chhuanvawrte hian hnehna chang tak ang maw?

Women's Doubles Finalah hian Gisela Dulko (ARG) leh Flavia Pennetta (ITA) tang dun chuan Victoria Azarenka (BLR) leh Maria Kirilenko (RUS) chu hnehin an Champion
 ✇ Junior Boys' Single Final khel turt: Jiri Vasely (CZE) vs Luke Saville (AUS)

Junior Girls' Single Final khel turt: Monica Puig (PUR) vs An-Sophie Mestach (BEL)

Mixed Doubles Final khel turt: Yung-Jan Chan (TPE)/Paul Hanley (AUS) vs Katarina Srebotnik (SLO)/Daniel Nestor (CAN)

INDIA ZALENNAAATANA NUN HLANTE HRIATRENGNA HUN HMAN A NI DAWN

Kumtinin 30th January-ah hian India ram zallenaa atana beia nun hlantute hriatrengna hun hman thin a ni a. Kuminah erawh chuan he ni hi Pathianni a nih avangin GAD, Mizoram thuchhuah angin ni 31st January, 2011 (Thawtanni) dar 11:00 AM-ah ram tana nun hlante hriatrengna 'Martarte Ni' hi hman tur a ni a. Martarte hriatrengna hi minute 2 chhung ngawi renga dinga hman tur a ni.

GAD thuchhuah chuan he hun hi Sorkar pisa leh zirna in thenkhat ten zawm tha viau mah se zawm tha lo thenkhat an awm thin avangin kuminah chuan khauh leh zualin hman dan tur a tar lang a. Ni 31st January 2011 dar 11:00AM a he hun hman turah hian a tanna leh a tawpna atan siren a rawn ri ang a, a inkar minute 2 chhung chuan lirthei leh mihring che vel zawng zawng kim takin an reh thap tur a ni.

MP RUAL LO ZIN DAWN

February ni 11 hian Parliamentary Standing Committee on Transport, Tourism and Culture a member 31 te chu Aizawl tlawhin an lo zin dawn a. An Chairman Sitaram Yechury hovin he team-ah hian Rajya Sabha MP 9, Lok Sabha MP 21 leh Tourism Ministry leh Rajya Sabha Secretariat atangin anmahni tawiawmtu Officer thenkhatte an tel ang. Ni khat chama lo zin tur MP rualte hian Aizawl bakah Guwahati, Agartala leh Shillong te an tlawh bawk dawn a ni.

BASKETBALL HRIATTIRNA

Hruaitute thahinemngaihna a zarahBasketball Court chhuat siamthat mek a ni a, chutihlaein a venghim tur zawka ngaih Basketball khel thin te'n a chhuat chhuncement a ro that hma in kan lo khel tih hriat a ni, hei hi ti tawhlo turin kan ngenin kan inhriattir e. A ro chian hun rei lote nghah a Basketball court tlo tak neih theih a ni tih hriain i nghak hram ang u. Tin, a hun hma a khel an awm chu rual u zawk te'n lo thilithlai turin kan ngen bawk e

UI BO

Poochi-a, uite buk, a pa, a mei tawi, a var leh buang. In lo hmuh chuan ahnuia contact ah hian min lo hrilh hram ula kan lawm hle ang. Mitvar man kan lo pe ang che u.
9436152442/2348295

"Kan khual zin kawngah, ke kan pen chak poh leh kan thilmuuh a tlem ting mai a ni". – Helen Hays

**HETAH HIAN SMS LA
 >>9774170328<<**

Issue leh atang chuan a chunga No. ah hian i SMS tawh thin dawn nia.

Member te'n hnathawh kawr haktir tlak khawpa khawtlang leh pawl tana in inpekna ropui ka ti a, duhsakna chibai ka hlan che u a ni. He chanvo hi chunglam rorelna a ngaiin theihtawp chhuah a, lungualna leh inpumkhatna nen, kan ram, kan zonunmawi tluchhe mek ni a an sawi tun din nan i YMA zel ang u aw.

Lalriniana (Te-a)

(YMA hruaitu thlan tharte leh lo la ni zel turte tana thuchah ropui a ni e)

VENGCHHUNG MI CHHUANAWM

✉ Tv David Zohmingthanga s/o Pu Challianchhunga (L) T-Section chuan MPSC kaltlangin Assistant Superintendent of Account hna Supply Department hnuiah a hmu thar. A chhuanawmin a lawmpui awm khawp mai.

✉ N1. PC Lalsiamkimi d/o PC Vanlalhraua (Maite khua) tuna N- Section a cheng mek chu Mizoram hmeichhe zinga vawmna ber niin 91.2 km/hr a na a vawm a ni. Amah hi SAI hnuiah wrestling lampang ti tura awm mek a ni. Chanmari West nula hi kan chhuang hle.

AR CHAW THA

**GODREJ GOLD MOHUR
 (GODREJ AGROVET LTD.)
 INDIA'S NO.1 POULTRY FEED
 MIZORAM AH A THLENG
 VE TA.**

**AR KAWTHALO, AR ZENG, AR THINLIAN, AR BUK RIT LO PUMPELH NAN HAN CHHIN
 VE TEH. BAG 1 CHIN
 CHUNGLAM DUH TAN INAH
 KAN PE THEI E.**

**MABIAKI
 UPPER KANAN
 9436362361/2348044**

NIMBU TUI

**Tunlaiin Nimbu tui lei tur a vang hle a ni awm e,
 damdawi a tan a tha leh fir
 tha tak i lei duh kha hre
 rengin lei tur kan nei leh ta
 reng mai. Min han dawr leh
 teh le.....**

**V.L.Chhunga
 Taitesena Sect.
 9862926173**